

省菴先生遺集

十


番外書冊

					和書門類
			二六一八六號		
		一〇六函			
一二册	一四架				

庫文閣内					和書類
		二六一八六號			
		一〇六函			
三九函	一二架				

詩集

内閣文庫		26186
番號	和	
冊數		12 (11)
函號	205	225



省菴先生遺集卷之十

淺草文庫

子守直校定

孫守經梓行

七言律

出鄉

匹馬嘶風離故國，小春天氣誤陰晴。
寒雲催雨來和淚，流水隨人去惱情。
多病爭堪衝遠道，此行本不爲功名。
明年更有歸田約，謝却塵勞事退耕。

須磨

須磨絕境暫停馬，家漠磬音出上方。
何處客帆迷極

省菴先生遺集卷之十

浦誰家漁網晒秋陽浮雲舒卷經天小遠樹高低迤
地長幽徑尋來有幽趣自教身世併相忘

過平方

蓬窻月影自參差淡夜平方入望時新至雁聲猶唳
唳狎將鷗侶自遲遲遙山掃黛工圖畫多景生懷把
酒卮却恨遡游舟太駛空過好處不成詩

出京

自笑踈頑生理拙住京無計赴東關年光流轉等敲
石浪跡天涯誰賜環卸笈暫休清樾下回頭頻望白
雲間病身又恐詩爲祟空過名區与好山

桑名

桑名餘酒謝舟師振柁開頭擊汰時極目遠山霧中
小拍天激浪雨餘奇潮聲回逐櫂聲轉人影更隨帆
影移直欲乘桴從此去滄洲定不負幽期

遊長崎幻寄山房

步屨聊乘半日間登臨探勝叩仙關二三萬軸書連
座數百千株花映山廬瀑同流通洞谷瑤峰插地隔
塵寰東西南北渾無定應識高人笑我頑

登山

短筇芒屨攀梯路傍柳衝花旋寫憂譚笑聲隨丘壑

卷之十一

卷之十一

答經尋身被洞雲留寸眸俯瞰三千界多景齊籠六十州羈策何時謝塵世鹿麕相伴足教遊

春日芝山臥隱兩子見訪

門外喜聞二妙來倒裳草徑掃塵埃自慙窮巷無鮮菜莫厭良辰盡蟻盃詩律元於唐律細盆池須擬習池回文遊避俗襟懷別好對春風心眼開

同臥隱宴友人亭臥隱有詩次韻

殊方常恨交遊少伴與時敲松竹扉風暖簾前鶯語碎興酣席上羽觴飛壯年翻覺功名薄羸憊自慚詩律微隱癖相親假山底坐看烟靄映清輝

惜花

韶景匆匆去叵延落紅片片總堪憐空尋綠樹迷蝴蝶一任青山泣杜鵑飛影仍沿流水遠餘芳猶帶夕陽鮮為言痛飲須窮日轉盼春過又隔年

慰永思軒喪父 并引

為仁之要莫先於孝孝者五常之本百行之源也予嘗省父自雒歸鄉將去友人重正俾子守孝同行寓東武者三年于今粗通經書大義乃知孝道無以加焉今春弗圖重正溘朝露矣嗚呼哀哉不及屬纊之時不與窀穸之事徒增千里之追慕而

已予昔客中喪母及王母推此情知彼情聊以
律慰哀情云

可憐孤客在哀絃淚雨難晴春雨時生別不圖成死
別羈思無那倍追思遠遊自悔丘吾嘆泣血爭禁高
子悲仰慕昊天恩罔極孝心祇誦蓼莪詩

次韻戴翁見寄三首

別來荏苒歲云莫遠隔河關牛馬風學古胸中蟠萬
卷詞場眼底折羣雄虛心異域長甘隱舉目故山皆
變戎欲報南金慚瓦礫應知吾姓是齊東來詩有寄
安東之句

又

記得當時歡會處從容聽道坐春風由來興廢耶
夢猶厭縱橫胡虜雄故國友朋淹絕信中原將帥半
降戎可憐潦倒浮萍客孤操變名隱海東

又

別恨難禁隕籜時爐邊夢熟話心期尋梅村落動詩
興步月寒庭倒接羅交義從來愧鵬鷃溪盟自不隔
華夷東關萬里思歸客欲約重逢亦未知

始逢華人陳翁

帝京嘗奏凌雲賦誰料沈寘來異方侍立洗心程子

雪從遊聽講鄭公鄉清詞既奪錦袍就令譽早題金榜彰吾道頹波屹然起具瞻砥柱出扶桑

中秋月 并序

予嘗在京師管見所及信手抄錄未始不羽翼四書五經也只恨鹵莽滅裂無奈面牆今厭其煩約擷要語中庸既畢功維時中秋宵閒微雲點綴及三更月澄如練因有所感叨賦一律

冊裏埋頭漫費精豁然聊覺啓冥旨六經載道自昭著百聖同心只至誠陸氏空言侔老佛文公實踐本周程中庸讀了中秋夜雲盡乾坤月影明

梅月雙清

雪後園林思不常羅浮入夢豁詩腸高低入夜清移影冰玉和風暗散香斜透紙窻訛曙色同臨野水闌清光幽塊疑入廣寒去歛作姮娥嬌額粧

賀宗迪始冠

始著儒冠德義隆挺然頭角出羣雄禮儀雖有萃夷別髦士攸宜今古同穎敏早知時俗失聰明不惑異端空待看直作登瀛客立起頹波秀海東

喜歸孫永洵入學

會文尤喜廣家塾正是歸孫入學時坐客相期至賢

聖顏童豈望稱神奇操心須兢二餘業志道將興千
載衰臨老噬臍恐難及要馮後進借箴規

題好謙新居

街市相攸斯築宅落成設席叙文遊衙門自足陶潛
意環堵應無向戍尤新卷疎簾燕雀至僅開小砌松
筠幽誰知蕞爾一書室它日化成五鳳樓

立春三十六歲作

三十六策覺皆非從此幽間甘息機一氣轉時改新
舊東風扇處促芳菲山頭霞簇雪鋤色池畔景和寒
減威尤愛書窗春日永翻欣窮巷俗賓稀

探花

喚奴曲酒拉文友緩步尋芳醺暖霞學語鶯兒猶澁
舌勒寒草色未抽芽行吟幾認潘安縣望眼頻勞邵
雍車蓓蕾雖遲不須恨醉顏閒對夕陽斜

春風

靄然噫氣益園林百卉回生生意淡煙外悠揚輕蝶
翅簾前睨睨碎鶯吟方消殘雪暖相促更舞嬾楊力
巨禁馬耳媿無由聽道何知曾哲浴沂心

三月盡遊玄碩法師山房

柳擘花殷春亦纔花飛春去迭相催登山臨水頻移

興遣悶題詩漫把盃啼鳥數聲烟外咽長繩難繫日
西頰韶光猝猝留無計殢酒茫然秉燭回

七夕

風清月白亮天漢牛女相逢有定期月掛玉鉤透簾
冷風鑿炎溽入桐奇鵲猶有意作媒灼鷄更無爲促
別離乞巧從來兒戲耳河東底事費文詞

蚊

暗裏傷人專口腹利嘴如針又似戈煙薰擾擾窻前
散雷轟殷殷帳下過蟬蚋雖貪不爲害腹蛇有毒每
無多從來此物天生惡飽血斃身如爾何

中秋月 并序

昔在東武抄經書諸解乃至中秋脫稿作詩記之
蓋三羊于今今茲復改抄錄偶然与前羊同時有
感乃賦一律

幾嘆異端長惑衆從來吾道易榛荆斯心元不隔東
夏立志應須去利名重玩中庸苦溫故細求章句益
研精月色發蒙三五夜清光猶勝昔年明

九月盡過友人

傍江緩步惜秋盡楮杖從容到日斜
斜經雨敗荷浮野水帶霜殘菊傲疎
芭商飈已老驚年暮漁曲遙聞

我嗟共會閒亭幽興熟涿樽幾任若村餘

夜雪

寒氣折綿侵臥內定知雨雪積明晨枕邊屣響凍聲
澁夢裏心驚年運頻宿鳥應疑花頃刻書窗猶印月
精神若非乘興山陰客便是殄霞姑射人

山行得嵌字

芒鞋踏徧恣幽探盡日黃緣嘯石嵌歛駭層雲生短
杖遙看逆旅挂征帆樵歌谷響互相答農語時豐賦
載芟自恨絕巔尚難極仙鄉咫尺隔松杉

奉送朱魯璣先生歸中原

遠避胡塵來海東凜然節出曾連雄勵忠仗義仁人
事就利未安衆俗同昔日名題九天上多年身落四
邊中鵬程好去圖恢復舟楫今乘萬里風

次韻了益

羈棲感舊懷良友記得三霜遊洛京窮達讀書樂真
隱聖賢對酒遣幽情避入不厭蓬蒿沒抱獨長甘藜
藿烹烹見風騷進前日佳章沈瀟覺新清

早春

乾坤和氣轉洪鈞處處東風一樣春
逐暖自知生意偏向陽認得滿腔仁
梅腮襲雪漸將老柳眼籠煙未

肯勻造化不須費彫刻正要就物見天真

感春

往事悠悠心不平春來春去總傷情抽黃嫩柳著烟
重流白飛花逐水輕梁上尋巢忙燕子池邊添雨噪
蛙聲踈慵無意弄鉛槧多少風光欠品評

題玄碩法師山房

獨覓烟霞到上方新居輪奐聳高岡
深幽屏跡甘禪寂靜勝刳心離世忙
淨几明窗常自足名韃利鎖共相忘
醉餘唯訝出仙境塵外閒遊興味長

次韻縮菴

同隨文友赴文會觀物優遊心眼開
若使達人謀遠大何傷浮俗作嫌猜
牀支黃卷交緗裘座避白丁斟玉
醉終日聚頭何所說只期磨礪起傾頽

會元恕亭賞中秋月

對月題詩鮑謝儔從容拈酒共登樓
中天雲盡兔搗藥四壁風回蟲報秋
清映城池金影躍明和湛露玉光浮
今宵同賞一年景拚醉何辭到曉籌

雪

寒侵臥內衾如鐵早起開窗雪滿園
點水漣漣消亦好隨風片片舞猶翻
也看撒玉搖銀海何厭穿簾撲

酒樽埋沒乾坤無一物可憐
鷺鳥噪黃昏

和韻獨立師 弁引

十九年前初謁華人獨立師於長崎
往復數次屢沐德愛及辭別
賜佳製有樓頭風雨幾經過之句
適春雨時也數歲之後掛錫於敝廬
相別之日亦經春雨自是每值春雨
莫不追念其後奉書叙今雨異於舊
雨之情師嘉之惠以佳製感時恨別之
情隱然於言外矣今春春雨懷舊之餘
沈吟朗詠不勝感慨蓋彼時壯年今已
艾年驚年光之頻逝歎老境之日犯
因攀前韻兼呈鄂教

春雨昔時送我行
年年春雨報離情
對花撩句恨幽獨
寄雁傳書尋雅盟
道誼從來一終始
世間又看幾陰晴
感今感舊吟燈下
慵聽四檐檐滴聲

閒居偶作

我屋數間園稱之
文房四友日相隨
向陽花木笑三徑
安分鷓鴣足一枝
處事從容無事事
致知却要不知知
萃堂多有禍機
伏箇裏冥然畢淡涯

咬菜窩落成

咬菜窩家祖所居之名

重覆白茅脩舊廬
自甘糞牖與桑樞
一枝聊爾鷓鴣意
後圃為開芋栗區
不羨勞民築樓閣
有時泛艇擬

省補... 遺集卷十
江湖蕭然環堵繼無物架有圖書厨有瓠

賞春

三時不如一時好日夜風光報令辰經雨養成花富
貴滿庭描出月精神暗香透箔殘梅盡度曲遶枝啼
鳥頻莫笑老來事行樂由來幽討屬幽人
八月十五夜月
萬里同明端正月茅堂退燭豁吟脾放光樹上鳥頻
起搗藥雲間兔旋移要任行藏知命理不須歌舞事
遊嬉何如長養浩然氣方寸一輪無欠虧
春雨十六夜

仲秋自古多陰翳况是今秋三夜明未滿玲瓏誤霜
雪既圓皎潔洗寰瀛玉輪不覺一分缺白露輕浮萬
里清天意欲令人知倚伏故教月色作虧盈

病起

年光枉過倏垂老况是晚春風疾侵學進寸分還退
欠齒於半百尚加三案頭書亂賴誰帙砌下花飛供
我吟性癖未拋勲業志起來理義秉燈尋

悼獨立師

并引

予與獨立師唱和詩以叙春雨之歎去牟師已下
世今春春雨不勝追悼聊次前韻以舒永訣之情

追憶昔時春雨行今為淚雨感交情避難變姓歸空
寂陳奠供詩叙舊盟混混詞源長不竭朦朦胃霧鬱
無晴總將二十年前事徒屬遠檐點滴聲

答小野氏問十二木占

遠去東家來訪我非才何報遠來情陰陽理氣難論
辨範易方圓費細評九九數中象皆具三三象底數
元明圖書與義君須識聖聖相傳只一誠

夢朱文公胡澹菴

七夕前四日夢朱文公胡澹菴寓于公館隔壁聞

談論罅隙覘之共皓首也朱子貌略似畫像胡子
面有痘瘰甚醜心疑未見其像不審如此否少焉
朱子赴別館余謹日送之夢中大喜何幸得見太
儒矣睡覺以為不及承其教因信道不篤也此固
可愧然髮鬚見德容不亦替古之力乎項友人求
書初學訓誡古語盛暑未果翌日寫朱子贈長子
書及胡子遺從子書因想昨夢有感物非偶然也
作詩記之

薄劣無能何所感大賢入夢更通神正心誠意不容
世仗義抽忠能致身卜筮問天逢遜卦上疏乞劔斬

姦臣二公志欲踏下東海千載靈魂知有因

遺興

百年世事已過半在苜驚看春又淡開落無常花故
態始終不變月知音奈何淹墮是非窟誰与同遊翰
墨林朗詠風光吾所止只應黃鳥識斯心心

又

我生愚魯不如人自許居常慕隱淪為善近名本非
善志仁役物亦何仁種花靜觀有開謝酌月朗吟作
主賓至樂知從自然得隨時舒卷任天真天真

謝芳蓮師惠筆墨

陳玄毛穎交偕密連壁投吾恩惠潔淨几插花貯象
管明角抹月試烏金兔毫落紙添香氣龍劑磨光起
好音更欲寫詩謝高意秋蛇春蚓媿難任

秋風

底事怒號萬籟鳴暮雲吹起物皆驚頻催蛩織牽愁
緒也送雁行傷別情杜甫吟來悲屋破季鷹歸去識
邦傾漫漫長夜不須睡聽徹砧聲又葉聲

柳

縈砌撲池千縷垂纖腰婀娜逞嬌姿靄煙淡鎖長門
恨塵上空牽別浦悲舞蝶風狂穿弱葉啼鴉日暮噪

柔枝天上不似人心變依舊春來展翠眉

和韻十時三彌君

生平自笑誤為儒道德功名一事無混混學淵汲難
竭茫茫藝圃鋤其粗金蘭交誼於君密豪傑心情与
俗殊投我瑤篇看不厭朗吟足訂矧頑愚

題由實假山

幽居裝出佳山水心匠新成奪化土
翠竹牽涼嵐氣淨青松含雨午陰濃
洞庭分得尋常際華嶽移來尺寸中
何用別尋丘壑去眼前興入翠重重

題生田氏竹

窈窕軒窗無暑侵有時移榻蔭清陰
娟娟弄影月篩玉瑟瑟非絲風調琴
君子亭前見孤節龍孫雨後掃
千林一團和氣滿幽砌更識主人安樂心

閏八月十五夜

招友敖遊期達旦人間再遇中秋時
天邊添色重圓夜山上吐烟相映奇
金魄委波光歛駛銀河滴玉露
頻垂眼中萬景不吟盡共惜西樓寒影移

和三彌君慰居兄喪韻

長兄舍我赴窮泉孤雁折翎自耐憐
振古死生知有命守身戰兢了歸途
加衣屬纊哭靈坐陳器焚香庇

殯筵薤露哀吟益遺憶從前如夢淚漣漣

和由實慰居兄喪韻

夢裏人生何用駭天倫死別最堪哀悲風摧樹將寒
去飛雪入窗和淚來雁字繆悠沒雲際棣華零落委
墻隈從今誰賴問衣食愁殺遊魂招不回

和彭城林二子韻 并序

長崎荒木重安寄書曰當我居西南有先君別業
前臨海後據山山行數十步而有管神廟山中梅
多故名曰梅崎山上有亭倚巉巖枕洋溟誠是詞
客歌人登臨壯觀之靈區也實艾年中牛込公遊

此亭詠和歌使彭城林兩子題詩是遊也非徒爲
官暇般樂也異國賊船來則相營陣之攸豫備不
虞也先君沐公之鴻恩久矣我有欲效尺寸以報
曼乙之志因備述公在崎營孔廟崇儒術及治道
巡撫之事未予作記予雖嘉肯堂之志而本乏文
采况未見之好山勝境豈遐想緬懷所能哉聊和
兩子之韻以塞其責云

和彭城子韻

江亭高架白雲堆波浪兼天正練開烟靄遠籠去帆
影香風緩送賞花杯使君選勝留行旆才子靈恩許

侍陪終日宴遊棠樹下熙熙春色上春臺

和林子韻

奉別駒陰幾易賞高軒憶昔過斯亭海山烟景近當
戶金玉和歌將刻銘溟渤通天浮畫舸孱顏獻觀酌
新醪向陽花木恩榮地和氣祥風仰德馨

和昌明歲旦韻

江城騷客唱陽春說盡乾坤和氣均向曉書窗開鳳
層揮毫文海起龍鱗山川異地無由縮第達下心不
涉塵多少風光欠評品漫將史筆獵精神

和由實留別韻

離合從來弦与箏鵬程勿恨倦遊身對樽坐上惜花
謝楮杖橋邊見柳顰春暮風狂啼鳥老雲晴月白杜
鵲頻神交千里託鴻鯉相約天涯骨肉親

會友人亭賞中秋月

秋半論文約夜深金風磨月洗煩襟城池直擬還珠
浦爽影依稀掛鏡林大極圖成觀天德十分光滿豁
清吟高樓貯妓耽遊者豈識間人自得心

和白香山遣興韻

并序

白香山詩曰羲和走馭趁年光不許人間日月長
遂使四時都似電爭教兩鬢不成霜榮銷枯至無

非命壯盡衰來亦是常已共身心要約定窮通生
死不驚忙此詩說盡人情落句乃君子治心之要
語也古今無人道到于此莫謂白俗而輕之仍和
其韻
過隙光陰似電光如何不使四時長紅顏一瞬爲梨
凍綠髮幾時變雪霜早悟死生命前定也知窮達理
之常常教心地能安靜身在市朝亦不忙

和子平君韻 并序

子平君自長崎枉道到敝邑幸獲識荆傾倒平生
之願矣所恨野芹村醪不能爲款留及別見惠佳

製因和芳韻以舒離別之情云
征旆堂堂到柳城清容始見愜聞名同心道誼歡懷
德促膝談論期徹明慚我秩筵齊野叟嘉君好古出
天生青年堪駭才華美別賦從容援筆成

悼今井君弘濟 并序

予與今井弘濟君書信往來十餘年君遊朱先生
之門忝以予爲同硯席每賜書稱門兄今夏惠嚴
師自東武來大串君賜書告以君今春早世未及
壯年其爲人也慤實敦厚博學屬文人皆哀惜之
上公亦爲流淚嗚呼哀哉君之於予置諸友籍

非敢所當况反稱為兄哉然辱友于之稱因想天
感斯謙德雖年老而必有相見之期也豈意老者
存而少年者沒也天何与才而不与壽耶千里之
傳恣蓄在篋笥之中每見之靡弗追憶聊賦小詩
云

多年正擬一相見聞訃忽驚遽隕傾道德常窺顏孟
域文章自擬漢唐英今春適遇己辰歲兩地淹締金
石盟懷舊淚和梅雨落懶聞深夜杜鵑聲

羊老逢春并序

邵先生有羊老逢春詩十三首温公和二首若和

之恐為擬温公別賦小詩

羊老逢春尤可喜雨餘花木益精神殘梅鋤色紅顏
古嫵柳識吾青眼新出谷鶯兒猶澁舌尋巢燕子不
嫌貧獨吟獨樂樂真樂六十七年無事人

自遣

老來光景最堪惜驚見瞥然烏兔移行已常要無愧
乍談經不敢事新奇虛心去欲本吾志為善非誠是
目欺日日間窻競分寸著書之外別無為

和韻坂部君見寄

聞競寸陰修德業潛心理義古為師學源汲取詞逾

巧輿地書成世所資春雪剽寒飛柳絮野詩欲寄折
梅枝傳恣千里交情密老大難期會面時

目憺閒居偶作

隱淪不必在山林忙裏偷閒趣愈淡為利為名塵俗
態無譽無毀達人心後堤垂釣鯽魚美幽砌報秋木
葉吟萬事不求讀書外斯身隨遇任浮沈

中秋同釋萬英遊三彌君亭

平分秋色十分濃雅席題詩巾鳥同剩水濯金波瑣
碎殘山篩竹影玲瓏一輪滿處星辰沒萬象移時河
漢通皓月猶勝剡溪雪清談玉露興無窮

寄子平君

昔年嘗結鸚鵡契今日曾無消息通愧我華顛甘老
朽羨君文藻見神工精勤修業韓檠下儒術馳譽雒
社中安得重陪詩酒興細聞玄論發昏蒙

牡丹 并序

松田子雖同里閉未荊識子愛牡丹名品最多徵
予題蕪詞維時仲秋非蓓蕾時方取邵先生所謂
見根撥而知花之高下以為落句蓋先生以諷章
子厚子以况子學問有根本

絕色自嫌伍桃李芳菲旋畢發妖姿含情向客如將

語極能教人爲吐詞好是姚黃與魏紫愛看萬朵又
千枝此花四序堪相賞各種應於根撥知

題咬菜窩

誅茅斫樹構茅堂養病絕交有底忙得失毀譽常不
管是非利害久相忘清貧也足免塵累富貴繇來買
禍殃好是幽閒投老處松筠相伴百無妨

五十七作

并序

陸放翁七十枕上作云龍鍾七十豈前期矮帽枯
筇與老宜愁得酒卮如敵國病須書卷作良醫登
山筋力雖尤健閉戶工夫頗自奇今日快晴春睡

足臥聽簷鶻已多時予今年七十有感於斯詩此
翁雖健猶以閉戶爲奇况不健哉仍和其韻
誰保人生百歲期讀書閉戶百相宜懷幽把獨不求
友因病得閒寧用醫行已頑迷動多悔賦詩淺露本
無奇世間得喪非吾事百念皆空獨酌時

讀擊壤集

昔日著書淹廢詩老來遣興費蕪詞元無紀律亦何
撰每遇雲山不持思杜默薄才人共棄打油淺技衆
皆嗤多從擊壤集中得安樂先生是我師

偶書一首

用舍行藏心有算死生富貴力難為座間每翫陶公
集醉後高歌邵子詩儘好山川牽景往尋常風月舉
盃嬉去留無累任疎懶也足鷦居安一枝

又

何幸身逢時世昌居常樂樂百無妨室名鷦隱聊安
分風遶蓮池暗送香鄙句足收拾烟景小盃能燮理
心腸爛遊處處隨宜在况是筋骸老粗康

和邵先生先幾吟 并序

先幾吟曰先幾能識是吾儕慎勿輕為世俗哈把
似衆中呈醜拙爭如靜裏且詠諧奇花萬狀皆輪

眼明月一輪長入懷似此光陰豈虛過也知快活
作入來此詩起聯領聯學者所宜注意也吾有此
過而不自知恨看此詩之晚也仍和其韻

性拙不知緣飾事任他動為俗人哈賦詩淺露愧才
短快酒高歌比樂諧明月放情長入眼清風牽興鎮
馳懷雖無人爵有天爵其樂元從賢聖來

省菴先生遺集卷之十終

